

799 post Iul. 10. Saluta fratres; pueros et perfectos, legentes et intellegentes et beneficientes, Christum colentes et caritatem habentes. Et hi omnes valeant, vigeant, floreat in omni perfectione vitae et laudis Dei aeternaliter.

177.

Alcvinus Carolo regi pro litteris missis gratias agit. Petit, ut Leoni III papae adventuro consulat sibi propter infirmam valetudinem iter Romanum remittat.

799 post Iul. 10.

Codd. T fol. 28'—29' (T fol. 25'—26), P fol. 129'—131' (P* fol. 87'), L fol. 170'—174^a.*

Edd. Q 12, F 81, J 118. — Migne col. 303.

DOMINO IN DOMINO DOMINORUM DILECTISSIMO DAVID REGI FLACCUS FIDELIS ORATOR
SEMPITERNAE BEATITUDINIS IN CHRISTO SALUTEM.

Revertente^b me de Uicis^{c1} propter causas^d necessarias, quas ibidem habuimus disponere, occurrerunt mihi, visitanti relegendissimam sororem vestram², excellentiae vestrae dulcissimi apices, in vestra prosperitate amabiles et in divina misericordia laudabiles, qui numquam in se^e sperantes deserit.

Sicut de domno apostolico³ nuper actum per^f vestras suavissimas litteras audivimus. Qui etiam vestrae beatissimae^g praesentiae gaudet advenire⁴; ut innotuit nobis cartula^h benignitatis vestraeⁱ. De qua multas bonitati vestrae gratias agimus, quod solita^k pietate^l nostri nominis memoriam habere dignati estis.

Non solum de hac praesenti memoria vestrae egregiae pietati gratias agimus continuas, sed etiam de omni bonitate vestra, quam in nostram peregrinationem verbis vel factis semper ostendistis; fidelis in promissis, verus in perficiendo^m promissa. Quapropter fides veraⁿ et caritas non ficta et intercessio continua in archano^o cordis mei thesauro vestram iugiter amplectitur^p beatitudinem.

O dulcissime, decus^q populi christiani, o defensio ecclesiarum Christi, consolatio vitae praesentis. Quibus tuam beatitudinem^r omnibus necessarium est votis exaltare, intercessionibus adiuvere, quatenus per vestram prosperitatem christianum tueatur imperium, fides catholica defendatur, iustitiae regula omnibus innotescat.

Ecce quid actum est de apostolica sede in civitate praecipua, in dignitate excellentissima. Quae omnia vestro tantummodo servantur iudicio; ut prudentissimo consilio sapientiae, vobis a Deo datae^s, temperata consideratione corrigantur quae corrigenda^t sunt^u, et conserventur^v quae conservanda sunt^u; et^w quae clementer divina gessit pietas extollantur in laudem nominis illius, qui salvum fecit servum suum⁵ et liberavit a persecutione execranda infidelitatis^x. Vestra vero sapientissima animi prudentia — dum omnia intellegat, quid cui conveniat personae⁶ — in benefaciendo^y sive in vindicando^z faciat^a et perficiat quod Deo placeat. Et omnibus bona in vobis voluntas^b ostendatur^c, laudetur, et^w ametur.

177. a) Lemma: Epistola Alcuini ad domnum regem T*. b) Revertenti T, L; Reverti P. c) uicus L. d) cassas L. e) in se om. P. f) om. P. g) beatitudinis P. h) articula T pro cartula; carticula T*. i) vestri T*. k) sola P. l) pietati T, L, corr. in pietate T*. m) perficiendis T, L, P, corr. in -do T*. n) vestra T, P. o) archana T, L, P. p) conplectere P. q) pecus L. r) beatitudinem P. s) dante P. t) corriganda L. u) sint L. v) conservantur L. w) om. P. x) om. P; infelicitatis L. y) beneficiendo T, P, corr. in benefac. T*. z) vindictando T; iudicando P. a) ficiat T (fiat T*) pro faciat et perficiat. b) om. L. c) ostenditur P; et add. L.

1) s. Cuentawich, ubi Alcuinum die 10. Iulii fuisse scimus; v. supra p. 291 n. 4. 2) Gislam abbatissam Calensem. 3) Leone III. 4) Pervenit Leo III Paderbornam, quo Carolus post d. 13. Iunii (v. Sickel Acta Karol. II, 62 n. 160) se contulerat; cf. Jaffé Regesta pontt. Rom. ed. II p. 309. J. 5) papam. 6) Cf. infra ep. 178.